

Fobitro Injil Shorif 25 nombor sifara tisra Hannan Forisiti

Alla Pakor hukume Hozrot Isa al-Mosir sahabi Hozrot Hannane (ra:) siṭir aḳare ou sohifa leksoin. Leḳar ḳalo tan nam na ḳoia ḳali 'hou murobbi' ḳoia forisoe disoin. Hozrot Isae dunia taki behesto toshrif neoar onuman 50-60 bosor bade ikan leḳa oise. Ikan oilo tan leḳa tin nombor siṭi, asta Injil shorifor maze hoḳol taki huru sifara.

I sohifaḳan Gous namor eḳzon mumin bair gese leksoin, ou baie kub memandari ḳorta, tain eḳzon fakka imandar asla. Ar Ditrif name ek kobis beṭa asil, he netagiri ḳoria zomatre doḳol ḳorto saise, leḳoke tar birudde hushiari disoin.

Ou sifarar 11 aeato ase, "Ze manshe nek kam ḳore he oilo Allar bonda, ar zegie bod ḳam ḳore, he to Allar doroshon faise na."

Ermaze ase,

- (1) Hozrot Gousre salam ar tarif *1:1-8 aeat*
- (2) Bonḳo Ditrifor netagiri ar Dimitri bair shunam *1:9-12*
- (3) Bidaei salam *1:13-15*

Hozrot Gousre salam ar tarif

¹ Allai hokor ḳatire ami zare mohobbot ḳori, amar maear dust Gousor gese, ami hou murobbie ita leḳram.

² O maear dust, ami dua qoriar tumar hokkolta zanu shotik babe sole, aro saiar tumar dil zela bala tumar shoril-gotro zanu ola bala taqe.

³ Tumar oqan taki qoezon mumin bai aia qoila, Allai hokor befare tumi bule mozbut aso, ikan hunia ami kub kushi oisi.

⁴ Amar aolad oqol Allai hokor fote solra hunia kushi lager, ikan taki boqo ar kunu kushir qobor oe ni?

⁵ O maear dust, tumar osina hou musafir baiainre zela qezmot qorso, ita to qati muminor qam.

⁶ Tumar maea-mohobbotor qota tara zomator huru-boqo hokolor samne qoise. Oqon Allar kushi mafik tarare sohi-salamote faqanir bebosta qori deo, te aro bala oibo.

⁷ Tara qali al-Mosir tobliglo baroisoin, torikar baira manshor ges taki kunu shaijjo loisoin na.

⁸ Erlagi ou laqan manshore shaijjo qora zorur, zate hok kamo amra-o shorik taki.

Bondo Ditrifor netagiri ar Dimitri bair shunam

⁹ Ami age zomator gese eqan siti leqlslam, oile qobis Ditrife zomator netagiri qorto sae, erlagi he amrar qota hune na.

¹⁰ Oqon he zeta qorer, ami aia hari ita hokolre zanaimu. He amrare ingsha qoria bout misa bodnam roqaise. Qali ikan nae, mumin kunu baire he maner na, ar oinno zera manto sae, tarareo bada der, emonki zomat taki bar qori der.

¹¹ O maear dust, tumi bod qamor qoredi na douqaiia borong nek kam qoro. Ze manshe nek kam qore he oilo Allar bonda, ar zegie bod qam qore, he to Allar doroshon faise na.

¹² Zano ni, hoḳoleu Dimitri bair shunam gaira, emonki shoeong Allar hokeo en tarif ḳorra. Amra-o en tarif ḳorram, ar tumi to zano, amrar mukor ḳota hasa.

Bidaei salam

¹³ Baire, tumar gese leḳar boutta asil, oile ḳolome-ḳalie hoḳolta leḳram na.

¹⁴ Asha ase, kub zoldi tumar loge deḳa-shakkat oibo, ou shomoe mukamuki hoḳolta gof ḳormu.

¹⁵ Tumar dust okoleo tumare salam zanaisoin. Amrar hoḳol bondu-bandobre salam zanaio. As-salamu alaikum.

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022
2eb27397-6d35-5c13-b811-aecd7920507c